

Ture Whakatikatika i te Ture Arai mo te Hoko Tahae i nga Whenua Maori.

Whakawhaititanga.

- Whakaingoatanga.
- Ingoa Poto.
- Me riro katoa ki roto ki te kupu "ko te tuku" nga tikanga katoa o nga moni e tae atu atu ana ki runga ki nga whenua.
- Ekore e tika kia tuhituhia e te kai tuhituhi o nga pukapuka tuku whenua etahi whakataunga kooti ki te kore e matua whakaaetia e te Komihana.

He Pire I Huaina He Ture hei whakatikatika i "Te Ture Arai mo te Hoko Tahae i nga Whenua Maori, 1870."

Na Tenei Ka Hanga e te Runanga Nui o Nui Tireni kua huihui mai nei ki roto ki te Paremete i runga hoki i te mana o taua Runanga nga ritenga kua tuhia i raro nei:—

- Ko te Ingoa Poto mo tenei Ture ko "Te Ture hei Whakatikatika i te Ture Arai mo te Hoko Tahae i nga Whenua Maori, 1873."
- Ka panuitia inaianei ka hanga hei Ture ko tenei kupu "Ko te tuku," e whakahuatia ana i "Te Ture Arai mo te Hoko Tahae i nga Whenua Maori, 1870," me riro katoa ki roto ki taua kupu nga tikanga katoa o nga moni aha ranei e tae atu ana ki runga ki nga whenua e rite ana ki nga tikanga o taua Ture.
- E kore e tika kia tuhituhia e te Kaituhituhi o nga Pukapuka Tuku Whenua etahi whakataunga Kooti Whakawa mehemea kahore i matua kimihia e te Komihana o te Ture Arai mo te Hoko Tahae o nga Whenua Maori nga tikanga o taua mea, a mehemea kahore ano i whakapiritia te ingoa o taua Komihana ki te pukapuka whakataunga o te whakawakanga whakaatu i tana whakaaetanga ki te kupu whakatau. A kahore hoki e tika kia tangohia tetahi whenua i runga i tetahi Waraati mehemea kahore i matua kimihia tona tikanga.